

REPORTS OF NATIONAL ACADEMY OF SCIENCES  
OF THE REPUBLIC OF KAZAKHSTAN

ISSN 2224-5227

Volume 6, Number 6 (2014), 178 – 181

IMPORTANCE OF THE CONTRIBUTION OF ZH. AYMAUYTOV  
IN THE PSYCHO-PEDAGOGICAL SCIENCE

A.T. Akazhanova

alma.akazhan@mail.ru

Kazakh National Pedagogical university named after Abai

**Key words.** psychology and pedagogy, education, social psychology, bodies feeling psychic phenomena, manners, the highest activity of the nervous system, research, skills, profession, society, and practice.

**Abstract.** The article reveals the importance of psychological and pedagogical legacy of talented, well-known for the Kazakh public writer, poet, translator Zh.Aimauytov, analyzes his scientific book "Psychology" and "Psychology and the choice of occupation," have made a significant contribution to the history of formation and development of modern psychological science of Kazakhstan.

ЖУСІПБЕК АЙМАУЫТҰЛЫНЫҢ ПСИХОЛОГИЯ  
ҒЫЛЫМЫНА ҚОСҚАН ҮЛЕСІ

A.T. Ақажанова

alma.akazhan@mail.ru

Абай атындағы ҚазҰПУ

**Тірек сөздер:** педагогикалық-психологиялық, ағарту, әлеуметтік психология, сезім мүшелері, психикалық құбылыш, әдеп, жоғары нерв қызметі, ғылыми зерттеу, қабілет, кәсіп, қоғам, тәжірибе.

**Аннотация.** Макалада жазушылық, ақындық, аудармашылық дарындылығымен бүкіл қазақ қауымына белгілі Жусіпбек Аймауытұлының педагогикалық-психологиялық шығармашылығы сипатталған. Ғылыми талаптарға сай құрастырылған «Психология» мен «Жан жүйесі және өнер таңдау» атты құндырылған еңбектері қарастырылып, қысқаша талданған. XX ғасырдың бірінші ширегіндегі қажеттілік тудырған осы кітаптардың қазіргі заманауи психология тарихына үлес қосқаны, өзектілігі айқын баяндалған.

Жұсіпбек Аймауытұлы (1889 – 1931 ж.) – XX ғасырдың отызыншы жылдарындағы құғын-сүргін, зорлық-зомбылықтың құрбаны. Ол аса ірі тұлғалардың қатарында белгілі орынға ие, ұлттық әдебиетіміздің көшбасшыларының бірі, қоғам қайраткері. Бүкіл қазақ қауымына Жусіпбек Аймауытұлы езінің жазушылық, ақын-аудармашылық, публицистік еңбектерімен белгілі. Сонымен қатар Ж. Аймауытұлы алғашқы педагогика және психология мәселелеріне арналған оқулықтар мен мақалалардың да авторы.

Астан-кестен тарихи ауыр кезенде өмір сүрген Жұсіпбек Аймауытұлы артында оку-ағарту мәселелеріне қатысты бағалы және маңызды педагогикалық-психологиялық ғылыми мұра қалдырып үлгерді. Оның халыққа білім беру орындарында ұстаздық, жетекшілік қызмет атқара жүріп, жас ұрпақты жаңаша тәрбиелу, жаңаша білім беру мақсатын көздел жазған «Тәрбиеге жетекші» (1924), «Психология» (1926), «Жан жүйесі және өнер таңдау» (1926) атты елеулі кітаптары мен оку құралдары кезінде ерекше рөл атқарды.

Бүгінгі күні Аймауытұлы Жұсіпбектің 1926 жылы араб әріпімен алдымен Қызылордада, содан соң Ташкентте теріліп, басылып шыққан «Психология» деп аталатын тұнғыш педагогикалық-психологиялық ғылыми еңбекі ерекше бағаланады. Автор қазақ ортасындағы мұғалімдердің, халық ағарту саласы қызметкерлерінің, жалпы оқырман қауымның психология, педагогика пәндері бойынша өз білімдерін көтеруге ұмтылған талаптарына көмектесуді мақсат етті. Оқулық түрінде жазылғандыктан, бұл кітапта жалпы психологияның жүйесі баяндалады, педагогикалық психологияның мәселелері талданады; психологиялық зерттеулер жүргізудің әдістемесі беріледі,





